



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 38. Diversæ Clementis XII. Papæ decisiones & decreta.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

locum Corsis inauspicato fato successit Marchio de Mallebois, Vir longa militia efferatus, & obstinatis parcere nefcius. Hic ergo recenti milite auctus, obsequium, quod Corsi per inveteratam pertinaciam præstare renuebant, per obfirmatam armorum violentiam extorquere aggressus est, & post iteratas pugnas plerumque Gallis faustas Corsos ita concidit, ut Paulius & Ludovicus Giasserius & paulopost Ornanus (nobiliora rebellium capita) cum multis Corsis sese submitterent, ex Insula tamen emigrare jussi. Pariter Rivarolæ Comitissæ Soror, quæ Theodoro ficto Regi Conjux erat destinata, Mallebosii jussu in Corsica custodiæ data fuit: alii vero pertinaciores a Gallis capti laqueo vitam finierunt.

Sæc. XVIII.
A. C. 1739.

§. XXXVIII.

Varie Clementis XIII. Papæ decisiones & decreta.

Quamvis Clemens XII. Pontifex maximus, senio, laboribus, & morbis indeque viribus exhaustus ad momenta æternitatis viam ingredi videretur, miro tamen animi vigore, & Zelo Apostolico indies novis incrementis aucto Pastoralem suam sollicitudinem hoc item anno ad Ecclesiæ negotia

SÆC. XVIII.
A. C. 1739.

tia immote extendit, pluraque oppido salutaria condidit decreta: Cum enim plures Græci ex suis patriis Regionibus propter fidei Catholicæ causam jam dudum profugi in Italiam venissent, & præcipue in Neapolis Regno domicilia fixissent, Clemens, ut supra meminimus, eis in Calabria Seminarium & Collegium, a suæ familiæ nomine *Corsinium* dictum construi curavit, ut hujus Nationis Juvenes sacratoribus disciplinis instituti, sacrisque initiati, cetera ad Divinum cultum, ad augendum Catholicæ fidei stabilimentum, & animarum salutem procurandam opportuna & necessaria munia obire valerent: Porro ex salutari hoc instituto tam uberes proventus, vivente adhuc Pontifice, progerminarunt, ut hi Alumni ob egregium in Philosophicis ac Theologicis scientiis profectum Doctoratus lauream promererentur, quam tamen ibi deficiente hac Facultate assequi non poterant: Eapropter supplicanti hujus Collegii Rectori suisque Successoribus Pontifex die decima quarta Februarii indulsit, ut illius Alumni & Convictores ad Doctoratus honores, prout in aliis Universitatibus consuevit, promoveri valeant.

Cum autem Romæ sicariorum ac latronum numerus adeo invalescere
vide-

videretur, ut noctu vix ullus per urbem sine vitæ discrimine tutus incedere posset, hæcque immanitas ad vicena plerumque occisorum capita mensili laniena grassando pertingeret, imo etiam Mense Martio in Hadrianæ molis fossa tria cadavera inflictiis vulneribus foedata, & paulopost in Tiberi fluvio aliud corpus, quod Simonis Piroti natione Galli fuisse credebatur, multis plagis perfossum reperiretur, hinc Pontifex in fædissimæ hujus crudelitatis Auctores rigidissime inquiri jussit, ac severissimum edictum contra nocturnos ejusmodi grassatores promulgavit. Præterea, cum non ita pridem Siciliæ Communitates S. Franciscum de Paula in Regni sui Patronum elegissent, hujusque electionis confirmationem per suos Deputatos Romæ a S. Congregatione efflagitarent; obtento autem hanc in rem decreto circa ipsius executionem Panormitani dubium moverent, eoquod jam dudum in specialem præfati Regni Patronam assumpta fuisset Beatissima Virgo sine labe concepta: hinc desuper supplices ad Papam dabant literas: Hic ergo die decima octava Martii declaravit, Eandem Beatissimam Virginem pro singulari Siciliæ Patrona esse colendam, ut majora Eidem semper a Christi fidelibus impendantur

Sæc. XVIII.
A.C. 1739.

Hist. Eccles. Tom. LXXVI. Pp ob-

Sæc. XVIII. obsequia; & religiosa populorum pietas præsentissimo perfruatur patrocino. A. C. 1739. Postea Pontifex die decima quinta Aprilis Carmelitis Discalceatis Congregationis Hispanicæ inhibuit, ne ad alios Ordines (excepto Carthusianorum) transeant, vel pro transeundi licentia Romam, vel ad Apostolicos Hispanicæ Nuntios sine Superiorum Generalium consensu recurrant. Pariter annuente summo Pontifice Sacra Rituum Congregatio die secunda Januarii ad magis promovendum S. Andreae Corsini cultum iisdem Carmelitis indulgit, ut in toto hoc Ordine bis in mense per quadragesimam Officium sub ritu semiduplici de eodem Sancto diebus alias non impeditis recitare valeant.

Insuper anno priori inter Episcopum Ferulensem, & hujus Civitatis Carmelitas Discalceatos levis oxorta erat controversia, cujus occasio erat hæc: Exstat ibidem Monasterium Virginum Discalceatarum ejusdem Ordinis, quod quia Episcopi jurisdictioni esset subiectum, hic Scapularia benedicebat; postquam vero hi Religiosi in eadem Civitate Conventum erexerant, illius Prior in sui Conventus Ecclesia habito ad populum sermone declarabat, juxta Pontificum decreta neminem Scapularia

ria gestantem indulgentiis frui, nec eas concessas esse, nisi ab ipfismet his Religiosis hæc vestis benedicatur. Inde offensus Episcopus hanc controversiam a S. Congregatione Indulgentiarum decidi petiit, quæ etiam die vigesima secunda Maij hoc anno per speciale decretum declaravit, nec spectare nec spectasse ad Episcopum facultatem benedicendi scapularia, & necesse esse, ut ab Episcopo aggregati pro nova aggregatione ad Ordinis Superiores recurrant. Hoc idem Congregationis decretum Pontifex die duodecima Junii auctoritate Apostolica confirmavit. Idem etiam statutum fuit die duodecima Julii.

Sæc. XVIII.
A. C. 1739.

Cum Venerabilis Pater Angelus de Paulis Carmelita ante novemdecim annos Romæ mortuus, vitæ sanctitate ac miraculis inclaresceret, Clemens Papa audito S. Rituum Congregationis iudicio ad preces Cardinalis Guadagni die decima quarta Julii concessit, ut ejusdem Venerabilis causa pro Beatificatione & Canonisatione introducta promoveretur.

Pariter idem Pontifex die vigesima Aprilis declaravit, quod lectio S. Scripturæ ad consequendum Magisterii gradum apud Augustinianos omnino necessaria sit. Die autem vigesima se-

Pp 2

cunda

Sæc. XVIII cunda Maij ad preces Philippi V. Hi-
A. C. 1739 spaniarum Regis Clemens statuit, ut
 Ordo militaris B. Virginis de Monte a
 post abrogatum Arragoniæ Senatam,
 deinceps Ordinum Consilio uniatum, ei-
 demque subsit. Cum vero jam aliquot
 abhinc annis Melchitæ Monachi Græci
 ex Congregatione S. Joannis Baptiste
 Soairii in Monte Libano, & Angli Ro-
 mæ Collegia erexissent, summus Pon-
 tifex Melchitis Ecclesiæ ad S. Mariam
 in Dominica possessionem, & Regulas
 tam pro his quam illis conditas die
 decima quarta & vigesima octava Se-
 ptembris confirmavit.

Insuper Pontifex die vigesima tertia
 Novembris declaravit, quod Tertiarii
 quorumvis Ordinum Regularium Tertio
 Ordini Carmelitano adscripti, indul-
 gentiis & gratiis spiritualibus promi-
 scue uti valeant: die autem decima ter-
 tia Octobris, cum Superiores Seminarii
 Missionum exponerent, Episcopum in
 Indiis Orientalibus summopere esse ne-
 cessarium, Pontifex Joachimum Eber-
 hardum de Michlinia per speciale
 Breve Yancheu in Sinis Episcopum
 nominavit.